



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Pictaven. Episcopo.

urn:nbn:de:hbz:466:1-20006

*ABBATI LYCÆ,
Magistro Gerardo, G. Archipresb. sancti
Severini procuratoribus Ecclesie Salerni-
titan. Abbati Barch. Caputaquen. Eccle-
sie preceptori.*

*Epist. 66.
Ve quicquid in
Ecclesia vel
diocesi Salern.
Archiepiscopo
in vinculis
detento in con-
cessionibus præ-
bendarum, be-
nificiorum, Eccle-
siarum aucto-
ritatem est per
potentiam laicalem, castrum.*

Incumbit nobis ex officij debito pastoralis ut quæ in ecclesiastica libertatis præjudicium attentantur, infringere debeamus, & in statum debitum revocare. Ea propter venerabilis fratris nostri Salernitani Archiepiscopi consulentes honori, quicquid in Ecclesia vel diocesi Salernitana in concessionibus præbendarum, beneficiorum, Ecclesiarum, & aliis ecclesiasticis per Iohannem principem & magistrum Gerardum, qui memorato Archiepiscopo detento in vinculis locum ejus invadere per laicalem potentiam attentarunt, occasione intrusionis factum est vel statutum, præsentium auctoritate cassamus, & carere decernimus robore firmitatis. Datum Laterani.

*ABBATI ET MONACHIS
de Galdo.*

*Epist. 66.
Ve liceat eis
monasterium
& habitationem
circumpositam
ad tutiora loca
transferre.*

Quæ pro religionum locorum necessitate peruntur à nobis, animo gratanti concedimus, & honesta potentium desideriis favorem apostolicum gratius impertimur. Quia igitur in medio pravæ ac perverſæ nationis positi, graves à vicinis vestris molestias & gravamina non modica sustinetis; ac volentes eorum nequitiam fugiendo vitare, licentiam postulastis à nobis ad loca tutiora monasterium & habitationem circumpositam transferendi; vestris precibus inclinati, liberam vobis super hoc concedimus auctoritate apostolica facultatem, ut in majori quiete monastica professionis officium exequi valeatis. Nulli ergo &c. Datum Laterani.

PICTAVEN. EPISCOPO.

*Epist. 67.
Super corre-
ptione mona-
sterij, tam in
capite, quam in
membris.*

Licet Ecclesiarum omnium cura nobis imminet generaliter, ad illos tamen specialius nos convenit aciem nostræ considerationis extendere, in quibus ab antiquo disciplina constituta dignoscitur ordinis regularis, & per aliorum insufficientiam à religionis observantia proponuntur, quod non convenit, declinasse. Dilectus siquidem fi-

lius magister B. Prior de Azaico pro se & quibusdam aliis monachis sancti Maxentij in audientia nostra proposuit, quòd cum olim in eodem monasterio multa inordinata existerent, per bonæ memoriæ W. Pictaven. Episcopum & dilectum filium N. tunc Eleemosynarium Cellen. nunc Abbatem. Aurea Vall. judices à sede apostolica delegatos fuerunt quædam pro reformatione ipsius monasterij constituta, quæ se dilectus filius Abbas ipsius monasterij observaturum præstita fide promisit, sed postmodum non sicut promiserat observavit; immo (quod deterius est) quosdam monachorum juramento, quosdam etiam fide sibi astrinxit, ut in nulla causa adversantes eidem, suæ in omnibus pareant voluntati. Præterea Prioratus & Obedientias, quibus præesse monachi consueverant, sibi retinet & appropriat, redditus eorum in usus proprios expendendo, & cum in iis & multis aliis (prout dicitur) modum religionis excedat, religiosum statum ipsius monasterij minuit & immutat. Adjecit etiam quòd idem Abbas pluries monachis de seculari potestate minas incutiens & terrores, proposuit coram eis quòd Prioratibus monasterij faceret per secularem potentiam violentiam irrogari. Postmodum verò Prioratus de Azaico, qui Conventui in pane quotidiano deservit, fuit à laicis occupatus, quod prædicti monachi ex Abbatis voluntate asserunt contigisse. Verum dilectus filius magister W. de Mercato scriptor noster, procurator ejusdem Abbatis, non esse vera quæ de jamdicto Abbate dicebantur, omnimodis assererat, ac prædictum magistrum B. Priorem de Azaico absque Abbatis licentia ad sedem apost. accessisse. Quia verò super præmissis non potuimus elicere veritatem, causam ipsam de utriusque partis assensu vestro duximus examini committendam; per apost. vobis scripta præcipiendo mandantes, quatenus ad monasterium ipsum pariter accedentes, inquiratis ab universis & singulis monachis & aliis etiam quos videritis expedit, de præmissis diligentius veritatem, & solum Deum habentes præ oculis, quæ tam in capite quam in membris inveneritis corrigenda, auctoritate apost. appellatione postposita corrigatis, & statum ipsius monasterij in me-

*De Obedientia
monasteriorum
vide Simonem
ad Goffrid. lib.
4. epist. 7.*

ius auctore Domino reformatis, ut & sollicitudo vestra appareat commendanda, & idem monasterium regularibus proficiat institutis, præfato Abbati districtius inhibentes, ne per laicalem potentiam monachos suos vel Prioratus monasterij ledere qualibet temeritate præsumat, vel eis per se, quominus monasterij iustitiam prosequantur, molestias irrogare. Volumus enim firmiter, & mandamus, ut quæ in eodem monasterio secundum Deum corrigenda vel statuenda duxeritis, faciatis auctoritate nostra, sublato contradictionis vel appellationis obstaculo, per censuram ecclesiasticam inviolabiliter observari. Ad hæc, volentes indemnitati prædicti magistri B. qui negociis monasterij sui accepta licentia à Cap. ad sedem noscitur apost. laborasse, sicut convenit, præcaveri, præsentium vobis auctoritate mandamus, quatenus si quid super Prioratu suo de Azaico, postquam iter arripuit, inveneritis immutatum, auctoritate nostra cessante appellatione in statum debitum reducat. Si verò vobis de illicita juramentorum præstatione constiterit, ea denunciatis auctoritate apost. non tenere. Testes autem &c. usque ad verbum cogatis. Nullis literis obstan. præter assensum partium &c. Quòd si omnes, tu frater Episcopo &c. Datum Laterani pridie Nonas Aprilis.

LAVDEN. EPISCOPO.

Epist. 63.
Vetustas cassationis super electione canon. in Ecclesia Novarien. in iudicio non recipiat.

Cum Iacobus iudex Novarien. apud sedem apost. constitutus id obtinisset à nobis quod à bonæ memoriæ C. Papa prædecessore nostro nunquam meruerat obtinere, scilicet quòd causa ipsius sub certa forma tuo committeretur examini, sine debito terminanda, receptis literis super causa ipsa ad dilectum filium Iohannem notarium & subdiaconum nostrum accessit, & literas cassationis super electione canonicorum in Eccl. Novarien. facta sibi petiit transcribendas concedi. Postmodum verò ipsis literis eidem notario nostro contra promissionem suam minime restituitis, sine licentia nostra, qui ei nec fuimus in aliquo nec esse volumus onerosi, & dicti notarij conscientia minus honestè recessit. Ne igitur dicto notario nostro, immo nobis in ipso impune se gaudeat illuisse, fraternita-

ti tuæ per apostol. scripta mandamus, quatenus prædictæ cassationis literas nec recipias in iudicio, nec in aliquo sine speciali mandato nostro ipsarum auctoritate procedas. Datum Laterani.

TRECEN. EPISCOPO.

Magnæ devotionis indicium & sincera in Christo tuæ fidei esse credimus argumentum, quòd, ut novissima tua Domino consecrasses, nec fenecturis jam imminentis incommoda, nec discrimina viæ, nec dubia fides & constans inconstantia pelagi terruerunt, quin pro salute animæ tuæ ac libertate Trecen. Eccl. & devotione terræ Nativitatis Domini, Hierosolymitanam provinciam disponeres visitare. Cùm enim Trecen. Ecclesia, sicut ex tua relatione didicimus, contra ecclesiasticam libertatem indebitis gravaretur angustiis & pressuris, nec per alium quàm per H. quondam Campaniæ Comitem, tum in ultramarinis partibus constitutum, afflictionibus ejusdem Ecclesiæ posse crederes de facili subveniri, confusus de liberalitate ipsius, quem, si ad eum accederes, tibi super necessitatibus Eccl. tuæ credebatur humiliter provisorum, præter consilium carorum tuorum ad ipsum proposuisti accedere, ac in signum peregrinationis & devotionem terræ orientalis crucem Dominicam assumpsisti. Licet autem ut non vacuus in conspectu Domini apparereres, sed aliquos tecum manipulos in arcam Domini cum exultatione deferres, sermonem ad populum feceris, ut aliqui tecum assumpto crucis signaculo subirent itineris gravitatem, vix unus inter omnes apparuit qui verbum tuum reciperet & impleteret. Tu verò ut laudabile propositum sine clauderes meliori, viam aggressus, cùm Placentiam pervenisses, super morte ipsius Comitis tristes recepisti rumores. Propter familiam tamen dissimulato mœrore progressus in Thusciam, quosdam familiares tuos obvios habuisti, qui te volebant invitum etiam ab itinere revocare, asserentes iter tuum nec tibi nec ultramarinis partibus expedire, cùm Gallicanis omnibus exinde redeuntibus, terra illa defensanda in Teutonicorum manibus remansisset. Quamvis autem * super morte ipsius Comitis immensam tristitiam conce-

Epist. 69.
Quòd licet ei vocum redimere per alium religioium.
Cap. Magna de voto & castit. demptione.

* in Tertio Col. le. audita.